

आकाशवाणी

1. साउदी अरब दे मरीना च भारत थमां उमराह करने लेई गेदे 42 श्रद्धालुएं दी इक सड़क हादसे च मौत। मरने आहलें च बच्चे ते महिलां बी शामिल।
2. राष्ट्रपति, उपराष्ट्रपति, प्रधानमंत्री ते विदेश मंत्री होरें हादसे पर गैहरादुख प्रगट करदे होई सैगी परोआरें कन्नै दिली हमदर्दी प्रगट कीती ऐ।
3. सेना अध्यक्ष जनरल उपेंद्र द्विवेदी होरें आखेआ ऐ जे भारत आतंकवादिएं ते उंदे समर्थकें गी इक बरोबर दा दोषी मनदे होई आतंकवाद दा पूरी तगड़ेयाई कन्नै मकाबला करग।
4. दिल्ली कार धमाके आहले मामले च एनआईए नै इक होर आरोपी आमिर राशिद अली गी 10एं दिनें दी हिरासतै च लेई लैता ऐ।
5. बिहार दे मुखमंत्री नितिश कुमार होरें अज्ज राज्यपाल आरिफ मोहम्मद खान होरें गी मिलियै मंत्रिमंल भंग करने दी सफारश कीती।
6. बांगलादेश दी अंतरराष्ट्री अपराध ट्रिब्यूनल नै साबका प्रधानमंत्री शेख हसीना ते साबका गृह मंत्री असदुज्जमान कमाल गी मौत दी सजा सनाई ऐ।

<><><><><><>

Madina-Accident

साउदी अरब दे मदीना च हैदराबाद दे उमराह लेई गेदे श्रद्धालुएं गी लेइयै जा' रदी इक बस दी इक टैंकर कन्नै होई दी टक्कर च 42 लोकें दी मौत होई गई। बस्सें च कुल 45 लोक सोआर हे। भारती समें दे मताबक एह हादसा जंदी रातीं होई षेठ क बजे पेश आया। उमराह पूरा करने दे बा एह यात्री मक्का लेई रवाना होए हे जिसलै जे मुफरीहाट थाहर एहदी इक पीजल टैंकर कन्नै टक्कर होई गई ते गड़पी च अगग लगगी गई। मरने आहलें च 20 महिलां ते 11 बच्चे बी शामिल हे। जानकारी मुजब एह सब्बै भारती हैदराबाद थमां उत्थे गेदे हे। साउदी अरब च भारत दे राजदूत साउदी अधिकारिएं ते तेलंगाना सरकार कन्नै संपर्क च न। भारती दूतावास बी साउदी हज ते उमराह मंत्रालय दे संपर्क च ऐ। सफारतखाने आसेआ जारी जानकारी मुजब प्रभावित परिवारें लेई 24 घंटे कम्म करने आहला इक कंट्रोल रूम कायम कीता गेदा ऐ ते हैल्पलाइन नंबर बी जारी

कीते गेदे न। एह नंबर न 800-244-0003, 012-261-4093, 012-661-4276 ते 055-612-2301. राष्ट्रपति , उपराष्ट्रपति, प्रधानमंत्री ते होरनें केइएं इस हादसे पर गैहरा दुख प्रगट कीता ऐ। इक सोशल मीडिया पोस्ट च उपराष्ट्रपति होरें मदीना च पेश आए दे हादसे च मारे गेदे भारतीयें दी मौत पर गैहरा दुख प्रगट करदे होई घायलें दे तौले नरोए होने दी कामना कीती ऐ। प्रधानमंत्री नरेंद्र मोदी होरें बी इस हादसे पर गैहरा दुख प्रगट करदे होई आखेआ जे उंदी हमदर्दी ते सद्भावना पीड़ित परिवारें कन्नै न ते ओह घायलें दे तौले नरोए होने दी कामना करदे न। विदेश मंत्री डॉ. एस जयशंकर होरें बी इस दर्दनाक हादसे पर बड़ा मता बसोस प्रगट कीता ऐ।

<><><><><><>

Shah

केंद्री गृह मंत्री अमित शाह होरें अज्ज हरियाणा दे फरीदाबाद च आयोजित उत्तर क्षेत्रीय परिषद बैठक दी अध्यक्षता कीती। उत्तरी क्षेत्रीय परिषद च हरियाणा, हिमाचल प्रदेश, पंजाब, राजस्थान, दिल्ली, जम्मू ते कश्मीर, लद्दाख ते चंपीगढ़ राज्य ते केंद्र शासित प्रदेश शामिल न। बैठक च राजस्थान दे मुखमंत्री भजन लाल शर्मा, पंजाब दे मुखमंत्री भगवंत मान, हरियाणा दे मुखमंत्री नायब सिंह सैनी, हिमाचल प्रदेश के मुखमंत्री सुखविंदर सिंह सुक्खू, जम्मू ते कश्मीर के उपराज्यपाल मनोज सिन्हा, दिल्ली दे उपराज्यपाल विनय कुमार सक्सेना, जम्मू ते कश्मीर दे मुखमंत्री उमर अब्दुल्ला, दिल्ली दी मुखमंत्री रेखा गुप्ता ते वरिष्ठ अधिकारियें बी हिस्सा लैता। बैठक दरान, दिल्ली लाल किला विस्फोट दे पीड़ितें गी श्रद्धांजलि देने आस्तै इक मिंट दा मौन रक्खेआ गया। बैठक च राज्य सरकारें बशकार समन्वय, पानी दे बंटवारे जनेय मुद्दें ते विकास कार्यें पर चर्चा कीती गई। क्षेत्रीय परिषदें प्रधानमंत्री नरेंद्र मोदी हुंदी टीम भारत दे दृष्टिकोण गी पूरा करा'रदी ऐ।

<><><><><><>

Army-Chief

भारत आतंकवाद ते उन्दे समर्थकें गी इक्कै लेखा मनदे होई आतंकवाद दा तगड़ेआई कन्नै परता देगा। एह गल्ल सेना प्रमुख जनरल उषेंद्र द्विवेदी होरें अज्ज पाकिस्तान गी सख्त स्नेहा दिंदे होई आकखी। उनें आखेआ जे भारत दे रिश्ते चीन कन्नै पिछले इक ब'रे च सुधरे न। दौनें मुल्खें बशकार गल्लबात बी होई ऐ। बन्ने पार आहले आतंकवाद

बारै जनरल द्विवेदी होंरें आखेआ जे नमीं दिल्ली नै न्यू नार्मल नीति हुन पाकिस्तान खिलाफ अपनाई ऐ ते हुन गोआंपी मुख्य आस्तै भारत गी निशाना बनाने आहले आतंकवादी संगठनै गी मदद देना ओहदे लेई मैहंगा पेई सकदा ऐ। उनें आखेआ जे पहलगाम आतंकी हमले दे परते च चलाया गेदा आप्रेशन सिंदूर छड़ा इक नमूना हा ते जेकर पाकिस्तान दी तरफा ऐसी कोई हिमाकत कीती जंदी ऐ तां भारत परतियै ऐसी कार्रवाई करोग जे पाकिस्तान इसी सदा-सदा लेई चेते रक्खोग।

<><><><><><>

NIA

दिल्ली लाल किला धमाके आहले मामले च राष्ट्री जांच एजेंसी-एनआईए धमाके आहली कार कन्नै जुड़े दे आरोपी आमिर राशिद अली गी 10एं दिनें दी हिरासतै च लेई लैता ऐ। एह सुनवाई बंद कमरे च होई जित्थे छड़े सरबंधित अधिकारी ते वकील मजदू हे। एनआईए दी मंग ही जे मामले दी गहराई कन्नै जांच करने लेई लम्मी हिरासतै दी लोड़ ऐ। अदालतै एजेंसी दियां दलीलां सुनने दे बाद हिरासतै दी मंजूरी देई दिती। इस कार्रवाई दे बाद जांच च केई बड़ो खलासे ते जानकारी हासल होने दी मेद ऐ। आमिर राशिद अली जेहड़ा कश्मीर दा रौहने आहला ऐ, ओहदे पर उमर मोहम्मद नवी कन्नै मिलियै साजिश रचने दा आरोप ऐ। एनआईए नै कल दावा कीता हा कि उन्नै हमले च शामिल इक कश्मीरी नौजवान गी गिरफ्तार कीता ऐ जिन्नै हमलावर कन्नै मिलियै इस आतंकी वारदात गी अंजाम दिता हा। जांच अधिकारिएं दस्सेआ ऐ जे आरोपी आमिर राशिद अली दा नां उस कार पर दर्ज हा जेदा इस्तेमाल धमाका करने च होआ। शुरूआती जांच च एह गल्ल सामने आई ही कि आमिर आत्मघाती हमलावर उमर उन नवी दे संपर्क च हा ते उन्नै कार खरीदने च ओहदी मदद कीती ही ते इयै कार मगरा हमले गी अंजाम देने च इस्तेमाल होई। एह पैहले जांच दा महत्वपूर्ण हिस्सा मन्नेआ जा'रदा ऐ।

<><><><><><>

Bihar-Cabinet Dissolve

बिहार दे मुखमंत्री नीतीश कुमार हुंदी अध्यक्षता च अज्ज राज्य मंत्रिमंल गी भंग करने दी सिफारिश कीती गई। मौजूदा सरकार दी अखीरी मंत्रिमंल बैठक दे बाद मुखमंत्री नीतीश कुमार होंरें राज्यपाल आरिफ मोहम्मद खान गी मंत्रिमंल भंग करने

संबंधी इक्कक पत्र सौंपेआ।मुखमंत्री नीतीश कुमार जनता दल यूनाइटेड -जेपीयू विधायक दल दी बैठक च शामिल होडन। विधायक दल दी बैठक च उ'नेंगी सर्वसम्मति कन्ने जेपीयू विधायक दल दा नेता चुने जाने दी मेद ऐ। बिहार च नमी सरकार दा शपथ ग्रहण समारोह 20 नवंबर गी पटना दे ऐतिहासिक गांधी मैदान च होग। तोआई, भाजपा दे प्रदेश अध्यक्ष षॉ. दिलीप जायसवाल नै आखेआ जे कल भाजपा दे नमें चनोए दे 89 विधायकों दी बैठक पार्टी दे प्रदेश मुख्यालय च होग। इस बैठक च भाजपा विधायक दल दा नेता चुनेआ जाहग। षॉ. जायसवाल होरें दस्सेआ जे एहदे बाद एनपीए दे 5एं घटक दलें दी सांझा बैठक होग। विधानसभा चुनांस दे बाद भाजपा, जेपीयू, लोक जनशक्ति पार्टी (रामविलास), हिंदुस्तानी आवाम मोर्चा ते आर.एल.एम. दे कुल 202 सदस्य चुने गए न। गठबंधन नै त्रै-चौथाई थमां बद्द बहुमत हासिल कीता ऐ। दुई बक्खी हिंदुस्तानी आवाम मोर्चा दे मंत्री जीतन राम मांझी होरें आखेआ ऐ जे बिहार च 20 नवंबर गी नमी सरकार दा गठन होग। मांझी होरें गलाया जे दोनें प्रमुख दलें, भाजपा ते जेपीयू दे होरनें सदस्ये गी मंत्रिमंल च शामिल कीता जाहग।

<><><><><><>

Mumbai-Shikhar Sammelan

महाराष्ट्र दे मुंबई च षॉब्ल्यू.टी.सीए एशिया प्रशांत सम्मेलन, वैश्विक आर्थिक शिखर सम्मेलन ते विश्व बपार एक्सपो दा आयोजन 21 ते 22 नवम्बर गी कीता जाग। कार्यक्रम च देश ते विदेश दे बड्णे सरकारी अधिकारिये दे कन्नो-कन्नी राजदूते, वाणिज्य दूतावास दे प्रतिनिधिये, वैश्विक बपारजगत दे प्रमुखें ते बपार विशेषज्ञें दे शामिल होने दी मेद ऐ। सम्मेलन च 85 थमां बद्द विश्व व्यापार केंद्र, 600 भारती प्रतिनिधि, 150 अंतर्राष्ट्रीय व्यापार प्रमुख ते एशिया, यूरोप, अफ्रीका ते अमरीका दे 80 विशेषज्ञ शामिल होडन। कार्यक्रम च वैश्विक व्यापार च तेजी आहनना, सांझेदारी ते संपर्क गी बढ़ावा देने जनेय मुद्दे पर आधारित उच्च स्तरीय चर्चा, क्षेत्रीय सत्र, नमैशां ते बैठकां आयोजित कीतियां जाडन। एहदा मकसद वैश्विक सांझेदारी ते मूल्य श्रृंखलाएं गी मजबूत करना ऐ।

<><><><><><>

Sheikh-Haseena

बंगलादेश दी अंतरराष्ट्री अपराध ट्रिब्यूनल नै 2024 बरे आहले छात्र विद्रोह हत्याकाण्ड आहले मामले च साबका प्रधानमंत्री शेख हसीना ते साबका गृह मंत्री असदुज्जमान

कमाल गी मौत दी सजा सुनाई ऐ जिसले जे साबका आई.जी.पी चौधरी अब्दुला अलममून गी सरकारी गवाह बनने पर छड़े 5एं बरें दी कैद दी सजा सुनाई गई ऐ। 2024 च बंगलादेश च विद्यार्थिएं इक बड़ा आंदोलन छेड़ेआ हा जेदे च केई विद्यार्थी मारे गे हे। ट्रिव्यूनल नै शेख हसीना होरें गी 2024 दे छात्र आंदोलन दरान होई दिएं हत्याएं दा मास्टरमांडं यानि मुख साजशकर्ता करार दिता ऐ ते साबका गृह मंत्री असदुज्जमान खान होरें गी बी इनें हत्याएं दा बरोबर दा दोषी मनदे होई फांसदी दी सजा सुनाई ऐ। सजा सुनाए जाने दा ऐलान होंदे गै अदालतै च मजूद लोकें ताड़ियां बजाइयै अपनी खुशी दा इजहार कीता। त्रीए आरोपी अब्दुल्ला अल ममून होरें गी सरकारी गवाह बनने लेई मौत दी सजा नेई सुनाई गई। अदालतै शेख हसीना ते असदुज्जमान कमाल दिएं संपत्तिएं गी बी जब्त करी लैने दा हुकम सुनाया ऐ। फैसले दे बाद बंगलादेश दे अंतरिम प्रधानमंत्री मोहम्मद युनस होरें भारत अगगे मंग कीती ऐ जे ओह शेख हसीना गी बंगालदेश दे हवाले कीता जा। 5 अगस्त 2024 गी बंगलादेश च होए दे तख्तापलट दे बाद शेख हसीना ते असदुज्जयान बंगलादेश छोड़ियै भारत आई गए हे ते पिछले 15एं म्हीनें थमां इत्थै रवा करदे न। इस फैसले पर अपनी प्रतिक्रिया दिंदे होई शेख हसीना होरें आखेआ जे उन्दे खलाफ आए दा एह फैसला राजनीति सवां प्रेरित ते बदले दी भावना कन्ने लैता गेदा फैसला ऐ। उनें आखेआ जे इस फैसले च उंदा पक्ख नेई सुनेआ गेआ ते कन्ने एह फैसला उसी ट्रिव्यूनल नै दिता ऐ जिसी इक ऐसी सरकार चला करदी ऐ जिसी लोकें चुने दा नेई, लोकें पर एह सरकारी थोपी गेदी ऐ। शेख हसीना होरें अपने उप्पर लगगे दे सभनें आरोपें गी खारज करी दिता ऐ।

<><><><><><>

Finance Minister Bangladesh

विदेश मंत्रालय नै आखेआ ऐ कि भारत अपने गोआंपी मुख बांगलादेश दे लोकें दे हितें, देश च शांति, लोकतंत्र ते स्थिरता लेई प्रतिबद्ध ऐ। भारत नै साबका प्रधानमंत्री शेख हसीना हुंदे सरबंधै च सुनाए गेदे फैसले पर ध्यान दिता ऐ ते ओह गोआंपी मुख च शांति ते लोकतंत्र गी यकीनी बनाने लेई सभनें हितधारकें कन्ने सकारात्मक रूप कन्ने गल्लबात करग।

<><><><><><>

16में वित्त आयोग दे अध्यक्ष डॉ. अरविंद पनगढ़िया दी अगुवाई च आयोग दे सदस्ये अज्ज राष्ट्रपति द्रौपदी मुर्मू हुंदे नै मलाटी कीती। इक सोशल मीडिया पोस्ट च राष्ट्रपति होरें दस्सेआ जे बैठक दरान आयोग नै 2026-2031 लेई अपनी रिपोर्ट उ'नेंगी पेश कीती ऐ।

<><><><><><>

ISRO

भारतीय अंतरिक्ष अनुसंधान संगठन-इसरो इस वित्तीय ब'रे दी समाप्ति थमां पैहले 7 होर प्रक्षेपणें दी योजना दी गहन तैयारी करा'रदा ऐ। एहदे च इक वाणिज्यिक संचार उपग्रह ते कई पी.एस.एल.वी. ते जी.एस.एल.वी मिशन शामिल न। इसरो दे अध्यक्ष वी. नारायणन होरें इक्क इंटरव्यू च चंद्रयान-4, जेड़ा इक लूनर सैम्पल वापसी मिशन ऐ आस्तै सरकार दी स्वीकृति ते जापान कन्नै संयुक्त ध्रुवीय अन्वेषण परियोजना, लूपेक्स, दी प्रगति दी पुष्टि कीती ऐ। इसरो दा लक्ष्य त्रै ब'रें अंदर अंतरिक्ष यान उत्पादन गी त्रैगुणा करना ऐ। उनें आखेआ जे इक भारतीय अंतरिक्ष स्टेशन पर कम्म शुरू होई गया ऐ। तोआईं भारत दा पेहला मानवयुक्त अंतरिक्ष यान 2027 आस्तै निर्धारित ऐ। प्रधानमंत्री नरेन्द्र मोदी होरें इसरो गी 2040 तगर भारती अंतरिक्ष यात्रियें गी चंद्रमा पर भेजने दी योजना बनाने का बी निर्देश दित्ते दा ऐ।

<><><><><><>

Weather

मौसम विभाग नै अजज छत्तीसगढ़, मध्य महाराष्ट्र, मध्य प्रदेश, झारखंड, राजस्थान ते विदर्भ च सीतलहर दी स्थिति बनी दी रौहने दी पेशगोई कीती ऐ। अज्ज तमिलनाडु, पुद्दुचेरी ते कराईककाल च बक्ख-बक्ख थाहरें पर मौहलेदार बरखा दी मेद दस्सी ऐ। अगले दो-त्रै दिनें तोड़ी आंध्र प्रदेश, केरल ते माहे च बी नेयी गै स्थिति रेई सकदी ऐ। मौसम विभाग नै अगले त्रै थमां चार दिनें च अंमान ते निकोबार द्वीप समूह च बिजली ते तेज हवाएं दे कन्नै गरज कन्नै छिट्टे पौने दे बी असार दस्से न। तोआईं, राष्ट्री राजधानी क्षेत्र दिल्ली च वायु गुणवत्ता बड़ी खराब बनी दी ऐ। दिल्ली च अज्ज दपैहरी 1 बजे 349 दा हवा गुणवत्ता सूचकांक दर्ज कीता गेआ। खराब हवा गुणवत्ता होने

करी हवा गुणवत्ता प्रबंधन आयोग नै राष्ट्री राजधानी ते लागे-देगे दे खेत्तरे च ग्रेडेड रिस्पांस एक्शन प्लान दे गेढ त्रै गी लागू कीता ऐ।

<><><><><><>